

AGINTARIAK ETA LANGILEAK

Oposizioak eta lehiaketak

GOBERNANTZA, ADMINISTRAZIO DIGITAL ETA AUTOGOBERNUAREN SAILA

5015

AGINDUA, 2025eko azaroaren 18koa, Gobernantza, Administrazio Digital eta Autogobernuko sailburuarena, Euskal Autonomia Erkidegoko Espetxe Administrazioko kidego eta eskaletako funtzionarioentzat gordeta dauden lanpostuak betetzeko lehiaketa orokorretarako deialdia egin duena eta haien oinarri espezifikoak onartzen dituena.

Euskal Enplegu Publikoaren abenduaren 1eko 11/2022 Legearen 94.2 artikulua xedatzen duenez, funtzionarioentzat gordeta dauden lanpostuak lehiaketako eta izendapen askeko sistemen bidez beteko dira, lanpostu-zerrendetan ezarritakoaren arabera. Bestalde, lege horren 97. artikuluan eta hurrengoetan lanpostu hutsak lehiaketaren bidez betetzeko deialdiak nola egin behar diren arautzen da.

Halaber, urriaren 13ko 190/2004 Dekretuaren bidez, EAEko administrazio publikoetako funtzionarioen lanpostuak betetzeko Araudia onartu zen, eta II. kapituluan, lanpostuak lehiaketa bidez betetzeko prozedura garatu zen.

Euskal Autonomia Erkidegoko Espetxe Administrazioko kidego eta eskaletako funtzionarioentzat gordeta dauden lanpostuak betetzeko lehiaketa orokorren oinarri orokorrak onartzen dituen Gobernantza, Administrazio Digital eta Autogobernuko sailburuaren 2025eko azaroaren 18ko Aginduaren 1.2 oinarrian ezartzen denez, lehiaketa orokor bakoitzaren berezitasunak deialdi bakoitzaren oinarri espezifikoetan arautuko dira.

Deialdi hauen xedea da lehiaketa bidez bete behar diren Euskal Autonomia Erkidegoko Administrazioko eskaletako lanpostu hutsak betetzea.

Euskal Enplegu Publikoaren abenduaren 1eko 11/2022 Legearen VIII. tituluaren II. kapituluan lanpostuak lehiaketa bidez hornitzeari buruz ezarritakoarekin bat etorriz, eta lege horren 18.2.t) artikulua bidez emandako eskudantziak baliatuz –Gobernantza, Administrazio Digital eta Autogobernu Sailaren egitura organikoa eta funtzionala ezartzen duen urriaren 29ko 317/2024 Dekretuaren 3.3.f) artikuluan xedatuari dagokionez–, honako hau

EBAZTEN DUT:

Lehenengo artikulua.– Lehiaketa hauetarako deialdia egitea:

– Espetxe Administrazioko Zigorrek Betearazteko Laguntzaileen eskalako lanpostuak betetzeko lehiaketa orokorra.

– Espetxe Administrazioko Fakultatiboen Goi-mailako Kidegoko eta Espetxe Administrazioko Kidego Teknikoko eskaletako lanpostuak (berariazko osagarria: III-B, III-C, IV-A, IV-B eta IV-C) betetzeko lehiaketa orokorra.

Euskal Autonomia Erkidegoko Administrazioko kidego eta eskaletako funtzionarioentzat gordetako lanpostuak betetzeko lehiaketa orokorretako oinarri orokorrak onartzen dituen Gobernantza, Administrazio Digital eta Autogobernuko sailburuaren 2025eko azaroaren 18ko Agindua arautuko ditu agindu honen bidez iragartzen den deialdiko lehiaketak.

Bigarren artikulua.– Onartzea agindu honen I. eta II. eranskinetan adierazitako oinarri espezifikoak.

Hirugarren artikulua.– Epe hau ezartzea eskabideak aurkezteko: 2025eko azaroaren 26tik 2025eko abenduaren 17ko 14:00etara.

AZKEN XEDAPENETAKO LEHENENGOA

Agindu honek Euskal Herriko Agintaritzaren Aldizkarian argitaratu eta hurrengo egunetik aurrera izango ditu ondorioak.

AZKEN XEDAPENETAKO BIGARRENA

Agindu honek amaiera ematen dio administrazio-bideari, eta, beronen aurka, interesdunek aukerako berraztertze errekurtsoa aurkeztu ahal izango diote Gobernantza, Administrazio Digital eta Autogobernuko sailburuari, hilabeteko epean, agindua Euskal Herriko Agintaritzaren Aldizkarian argitaratu eta hurrengo egunetik aurrera, edo, bestela, zuzenean, administrazioarekiko auzi-errekurtsoa, bi hileko epean, agindua Euskal Herriko Agintaritzaren Aldizkarian argitaratu eta hurrengo egunetik aurrera; betiere, bat etorri Administrazio Publikoen Administrazio Prozedura Erkidearen urriaren 1eko 39/2015 Legean eta Administrazioarekiko Auzien Jurisdikzioa arautzen duen uztailaren 13ko 29/1998 Legean xedatutakoarekin.

Vitoria-Gasteiz, 2025eko azaroaren 18a.

Gobernantza, Administrazio Digital eta Autogobernuko sailburua,
MARÍA UBARRECHENA CID.

I. ERANSKINA

**EUSKAL AUTONOMIA ERKIDEGOKO ESPETXE ADMINISTRAZIOKO ZIGORRAK
BETEARAZTEKO LAGUNTZAILEEN ESKALAKO KARRERAKO FUNTZIONARIOENTZAT
GORDETA DAUDEN LANPOSTUAK BETETZEKO LEHIAKETA OROKORRAREN OINARRI
ESPEZIFIKOAK**

Lehenengoa.– Balorazio Batzordearen osaera.

Batzordeburua: Miriam Berasategui Gurruchaga.

Idazkaria: Eider Basañez Llanos.

1. bokala: David Garrido Navaridas.

2. bokala: Benito Aguirre González.

3. bokala: Juan Carlos Nieto Ferrero.

Bigarrena.– Lanpostuak esleitzeko gutxieneko puntuazioa.

Gehienez ere, 220 puntu lor daitezke; lanpostua esleitzeko, 11 puntu lortu beharko dira, gutxienez.

Hirugarrena.– Merezimenduak baloratzeko baremoa.

1.– Administrazio publikoei atxikitako lanpostuetan izandako lan-esperientzia.

Azken 10 urteotako lan-esperientzia baloratuko da, gehienez 139 punturekin, baremo honen arabera:

Lan-esperientzia, eskuratu nahi den lanpostuan bertan	1,16 puntu hilabete bakoitzeko
Lan-esperientzia, eskuratu nahi den lanpostua atxikita dagoen eremuari edo beste administrazio publiko batzuetako eskala parekatuei atxikitako lanpostuetan	0,69 puntu hilabete bakoitzeko
Lan-esperientzia, eskuratu nahi den lanpostua atxikita dagoen taldeari atxikitako lanpostuetan	0,42 puntu hilabete bakoitzeko

1.1.– Aldi berean emandako zerbitzuak ez dira inoiz modu independentean zenbatuko. Horri dagokionez, ez dira zenbatuko eginkizunak behin-behinean esleituta emandako zerbitzuak.

1.2.– Zerbitzu berezietan, genero-indarkeriagatiko eszedentzian edo seme-alabak zaintzeko edo senideak zaintzeko eszedentzian emandako aldiak, azken 10 urteotan denbora luzeagoz bete duten funtzionario-lanpostuan baloratuko dira. Funtzionario-lanposturik izan ez dutenei titular gisa erreserbatuta duten lanpostuaren arabera egingo zaie balorazioa; lanpostu baten titular ez direnei, aldiz, bete duten azken lanpostuaren egitekoen arabera.

1.3.– Betetzen duten lanpostuko lan-esperientzia moduan zenbatuko dira zeregin hauetan emandako aldiak: prestakuntza edo hobekuntza ikastaroak, euskararen ikaskuntza, norberaren gauzetarako baimenak, aldi baterako ezintasuna edo parekatutako egoerak.

1.4.– Norberari dagokion taldeko edo goragoko talde bateko beste kidego bateko lanpostuetan zerbitzu-eginkizunetan emandako aldiak titulartasuneko lanpostuan zenbatuko dira; lanpostu baten titular ez direnei, aldiz, norberari dagokion kidegoan bete duten azken lanpostuaren egitekoen arabera.

1.5.– Lanpostuen eremuak

Eremua	Kodea	Izena
Kudeaketa	520400	Administraria
	520480	Langile-kudeatzailea
	520460	Administrazio-zerbitzuen kudeatzailea
Segurtasuna	520420	Bizikidetzak kontrolatzeko agentea
	520440	Barne-zerbitzuko laguntza-kudeatzailea
	520450	Bizikidetzak kontrolatzeko kudeatzailea
	520410	Barne-zerbitzuko laguntza-agentea
Zerbitzuak	520430	Zerbitzuetako agentea
	520470	Zerbitzuetako kudeatzailea

2.– Titulu akademikoak

Unibertsitateen edo ospe handiko erakundeen titulu akademiko ofizialak edo berezko tituluak bete nahi den lanpostuaren zereginekiko lotura kontuan hartuta baloratuko dira, gehienez 14 punturekin, baremo honen arabera:

Lanbide Heziketako Goi-mailako Teknikariaren titulua	gehienez 9 puntu titulu bakoitzeko
Lanbide Heziketako Teknikariaren titulua	gehienez 5 puntu titulu bakoitzeko
Doktoretza, graduondokoa, gradua, lizentziatura, arkitektura, ingeniariaritzak, diplomatura, arkitektura teknikoak edo ingeniariaritzak teknikoak	gehienez 2 puntu titulu bakoitzeko

2.1.– Irakaskuntza akademiko bereko ziklo desberdinak gainditu dituztela frogatzen duten langileei soilik baloratuko zaie frogatutako zikloetatik gorengorik dagokion titulua.

2.2.– Ez da merezimendu gisa baloratuko lanpostuan eskatzen den goi-mailako titulua lortzeko behar den titulua.

Eta ez dira baloratuko, halaber, dagoeneko baloratu direlako edo betekizun gisa eskatu direlako administrazio honek baliokidetzat jotzen dituen titulazioak.

3.– Hobekuntza-ikastaroak

Deialdiko lanpostuari lotutako gaien inguruko hobekuntza-ikastaroak gaindituta dituztenei gehienez 21 punturekin baloratuko zaizkie, baremo honen arabera:

50 eta 79 eskola-ordu bitarteko iraupena duten ikastaroak	gehienez 12 puntu ikastaro bakoitzeko
80 eta 149 eskola-ordu bitarteko iraupena duten ikastaroak	gehienez 14 puntu ikastaro bakoitzeko
150 eskola-orduko edo gehiagoko iraupena duten ikastaroak	gehienez 16 puntu ikastaro bakoitzeko

3.1.– Hobekuntza-ikastaroak Administrazio Publikoaren Euskal Institutuak edo unibertsitate edo administrazio publikoek antolatutakoak edo homologatutakoak izan behar dira, edo, bestela, prestakuntza-gaietan, giza baliabideen garapenean, lanbide-kualifikazioan edo ikerketa-arloan izen handia duten erakundeek emandakoak.

3.2.– Azken 10 urteotan egindako ikastaroak bakarrik baloratuko dira; baina, salbuespen moduan, 150 ordukoak edo hortik gorakoak ere onartuko dira, eta noiz egin diren kontuan hartu gabe baloratuko dira.

3.3.– Iraupena kredituan ematen bada, kreditu bakoitzak 10 orduko baliokidetzaz izango du, beste zehaztasunik ematen ez bada behintzat. ECTS kreditu bakoitzak, aldiz, 25 orduko baliokidetzaz izango du.

3.4.– Gai berari buruzko ikastaroak edo ikastaro beraren edizio ezberdinak behin bakarrik baloratuko dira; arlo horretan ordu-kopuru handiena duena aukeratu da horretarako.

3.5.– Konpetentzia-unitateen egiaztapen partzialak eta profesionaltasun-ziurtagiriak ez dira prestakuntza-ikastaro gisa baloratuko.

Halere, profesionaltasun-ziurtagiria lortzeko prestakuntza-unitateak eta prestakuntza-moduluak baloratu ahal izango dira, betiere prestakuntza-ikastaro ziurtatuen bidez lortu badira, dagozkien orduekin.

3.6.– Hizkuntza-ikastaroak ez dira baloratuko.

4.– Euskara jakitea.

Euskara jakitea merezimendu gisa baloratuko da derrigortasun-data igarota ez izateagatik betekizuntzat eskatzen ez den lanpostuetan.

Gehienez 16 puntu emango dira, puntuazio honen arabera:

1. hizkuntza-eskakizuna egiaztatzeagatik: 11 puntu.
2. hizkuntza-eskakizuna egiaztatzeagatik: 16 puntu.

4.1.– Euskara Tituluen eta Ziurtagirien Erregistro Bateratuari (ETZEB) kontsulta eginez egiaztatuko dira Euskararen hizkuntza-eskakizunak. Egiaztatutzat joko dira deialdiaren argitaratze-eguneko egiaztatze-datarekin edo lehenagokoarekin erregistro horretan inskribatuta dauden hizkuntza-eskakizunak.

4.2.– Euskal Autonomia Erkidegoko Administrazio Orokorreko eta haren organismo autonomoetako hizkuntza-eskakizunen baliokide diren ziurtagiri eta tituluak dekretu hauetan zehaztuta daude: 297/2010 Dekretua, azaroaren 9koa, Euskararen jakite-maila egiaztatzen duten tituluak eta ziurtagiriak baliokidetu eta Hizkuntzen Europako Erreferentzia Marko Bateratuko mailekin parekatzeko dena, eta 47/2012 Dekretua, apirilaren 3koa, Euskaraz egindako ikasketa ofizialak aintzat hartzeko eta euskara-maila hizkuntza-tituluen eta ziurtagirien bidez egiaztatetik salbuesteko dena.

<p>5.– Gradu pertsonal finkatua.</p> <p>Parte hartzen den kidegoan edo eskalan gradu pertsonal finkatua duenari gehienez 10 puntu emango zaizkio, banaketa honen arabera:</p>	
Eskatutako lanpostuaren destino-osagarriaren maila bereko edo handiagoko gradu pertsonala duenari	10 puntu
Eskatutako lanpostuaren destino-osagarriaren maila baino gradu pertsonal txikiagoa duenari	7,5 puntu
<p>6.– Antzintasuna.</p> <p>Gehienez 10 puntu lor daitezke.</p>	
Euskal Autonomia Erkidegoko Administrazio Orokorrek eta haren organismo autonomoek hirurtekoen ondorioetarako aitortutako antzintasanagatik	0,084 puntu hilabete bakoitzeko.
<p>7.– Hizkuntzak jakitea</p> <p>Hizkuntzak jakiteagatik gehienez 10 puntu emango dira, baremo honen arabera:</p>	
Ingeleseko, frantseseko edo alemaneko B1 mailaren titulu eta ziurtagiri baliokideak	○ 5 puntu
Ingeleseko, frantseseko edo alemaneko B2, C1 eta C2 mailen titulu eta ziurtagiri baliokideak	○ 10 puntu
<p>Honako lege-xedapen hauetan maila eta hizkuntza bakoitzerako jasotako titulu eta ziurtagiriak bakarrik baloratuko dira: 2015eko ekainaren 30eko 117/2015 Dekretuaren eranskina (Euskal Autonomia Erkidegoko Administrazio Orokorreko eta haren organismo autonomoetako lanpostuen hautatze- eta hornitze-prozesuetarako titulu eta hizkuntza-ziurtagiri baliokidetasunari buruzko Dekretua), eta 2017ko abenduaren 22ko 1041/2017 Errege Dekretua (Zenbait ikasketan araututako araubide bereziko hizkuntza-ikasketen eta errege-dekretu honetako arteko baliokidetzak oinarritzko izaeraz ezartzen dituen Errege Dekretua).</p>	

II. ERANSKINA

EUSKAL AUTONOMIA ERKIDEGOKO ESPETXE ADMINISTRAZIOKO FAKULTATIBOEN GOI-MAILAKO KIDEGOKO ETA ESPETXE ADMINISTRAZIOKO KIDEGO TEKNIKOKO ESKALETAKO KARRERAKO FUNTZIONARIOENTZAT GORDETAKO LANPOSTUAK (BERARIAZKO OSAGARRIA: III-B, III-C, IV-A, IV-B ETA IV-C) BETETZEKO LEHIAKETA OROKORREKO OINARRI ESPEZIFIKOAK

Lehenengoa.– Balorazio Batzordearen osaera.

Batzordeburua: Ana Periañez Vázquez.

Idazkaria: Agurtzane Iriondo Goti.

1. bokala: David Garrido Navaridas.

2. bokala: Héctor Valladares Narganes.

3. bokala: Mercedes Iruarizaga Sagredo.

Bigarrena.– Lanpostuak esleitzeko gutxieneko puntuazioa.

Gehienez ere, 221 puntu lor daitezke; lanpostua esleitzeko, 20 puntu lortu beharko dira, gutxienez.

Hirugarrena.– Merezimenduak baloratzeko baremoa.

1.– Administrazio publikoei atxikitako lanpostuetan izandako lan-esperientzia.

Azken 10 urteotako lan-esperientzia baloratuko da, gehienez 118 punturekin, baremo honen arabera:

Lan-esperientzia, eskuratu nahi den lanpostuan bertan	0,98 puntu hilabete bakoitzeko
Lan-esperientzia, eskuratu nahi den lanpostuari atxikitako eskalaren bati atxikitako lanpostuetan	0,59 puntu hilabete bakoitzeko
Lan-esperientzia, eskuratu nahi den lanpostuari atxikitako azpitaldeari atxikitako lanpostuetan	0,10 puntu hilabete bakoitzeko

1.1.– Aldi berean emandako zerbitzuak ez dira inoiz modu independentean zenbatuko. Horri dagokionez, ez dira zenbatuko eginkizunak behin-behinean esleituta emandako zerbitzuak.

1.2.– Zerbitzu berezietan, genero-indarkeriagatiko eszedentzian edo seme-alabak zaintzeko edo senideak zaintzeko eszedentzian emandako aldiak, azken 10 urteotan denbora luzeagoz bete duten funtzionario-lanpostuan baloratuko dira. Funtzionario-lanposturik izan ez dutenei titular gisa erreserbatuta duten lanpostuaren arabera egingo zaie balorazioa. Lanpostu baten titular ez direnei, aldiz, bete duten azken lanpostuaren egitekoen arabera egingo zaie balorazioa.

1.3.– Betetzen duten lanpostuko lan-esperientzia moduan zenbatuko dira zeregin hauetan emandako aldiak: prestakuntza edo hobekuntza ikastaroak, euskararen ikaskuntza, norberaren gauzetarako baimenak, aldi baterako ezintasuna edo parekatutako egoerak.

1.4.– Norberari dagokion taldeko edo goragoko talde bateko beste kidego bateko lanpostuetan zerbitzu-eginkizunetan emandako aldiak titulartasuneko lanpostuan zenbatuko dira; lanpostu baten titular ez direnei, aldiz, norberari dagokion eskalan bete duten azken lanpostuan.

2.– Titulu akademikoak.

Unibertsitateen edo ospe handiko erakundeen titulu akademiko ofizialak edo berezko tituluak bete nahi den lanpostuaren zereginekiko lotura kontuan hartuta baloratuko dira, gehienez 38 punturekin, baremo honen arabera:

Doktoretza	gehienez 27 puntu titulu bakoitzeko
Mediku espezialista, farmazialari espezialista, biologo espezialista eta psikologo espezialista	gehienez 27 puntu titulu bakoitzeko
Graduondokoak. Berezko tituluak eta master ofizialak (30 ECTS baino gehiago)	gehienez 27 puntu titulu bakoitzeko
Graduondokoak. Aditu espezialistaren tituluak (gehienez 30 ECTS, 750 ordu)	gehienez 19 puntu titulu bakoitzeko
Gradua, lizentziatura, arkitektura, ingeniari-tza, diplomatura, arkitektura teknikoa edo ingeniari-tza teknikoa	gehienez 19 puntu titulu bakoitzeko

2.1.– Titulu-azpitalde desberdinetako eskaletako lehiakideek dotazio bera eskatzen badute, beheko taldeko langileei ezingo zaizkie merezimendu moduan baloratu goragoko kidego edo eskalan sartzeko eskatzen diren titulu ofizialak.

2.2.– Titulu bakarra baloratuko da ikasketa-eremu bakoitzeko. Era berean, sartzeko betekizun gisa alegatutako tituluaren ikasketa-eremu berekoak diren tituluak ere ez dira baloratuko.

2.3.– Irakaskuntza akademiko bereko ziklo desberdinak gainditu dituztela frogatzen duten langileei soilik baloratuko zaie frogatutako zikloetatik gorengori dagokion titulua.

2.4.– Ez da merezimendu gisa baloratuko lanpostuan eskatzen den goi-mailako titulua lortzeko behar den titulua.

Eta ez dira baloratuko, halaber, dagoeneko baloratu direlako edo betekizun gisa eskatu direlako administrazio honek baliokidetzat jotzen dituen titulazioak.

2.5.– Graduondoko titulu moduan baloratu ahal izango dira baldintza hauetakoren bat betetzen dutenak:

a) Master ofizialaren maila izatea, eta Unibertsitate, Zentro eta Tituluen Erregistroan jasota egotea.

b) Unibertsitate bateko graduondoko berezko titulua izatea, 450 ordukoa edo gehiagokoa, edo gutxieneko iraupena bermatzen duen kreditu kopurua izatea.

c) Goi mailako irakaskuntza programa baten agiria edo diploma edukitzea, graduondoko unibertsitate-irakaskuntzaren parekoa eta ospe handiko erakunde akademiko edo profesional batek emandakoa (atzerrikoa ere izan daiteke). Graduondoko irakaskuntza mota honen gutxieneko iraupena 450 ordukoa edo gehiagokoa izan behar da.

3.– Hobekuntza-ikastaroak

Deialdiko lanpostuari lotutako gaien inguruko hobekuntza-ikastaroak gaindituta dituztenei gehienez 13 punturekin baloratuko zaizkie, baremo honen arabera:

150 eta 299 eskola-ordu bitarteko iraupena duten ikastaroak	gehienez 7,8 puntu ikastaro bakoitzeko
300 ordu edo gehiagoko ikastaroak	gehienez 10,4 puntu ikastaro bakoitzeko

3.1.– Hobekuntza-ikastaroak Administrazio Publikoaren Euskal Institutuak edo unibertsitate edo administrazio publikoek antolatutakoak edo homologatutakoak izan behar dira, edo, bestela, prestakuntza-gaietan, giza baliabideen garapenean, lanbide-kualifikazioan edo ikerketa-arloan izen handia duten erakundeek emandakoak.

3.2.– Azken 10 urteotan egindako ikastaroak bakarrik baloratuko dira; baina, salbuespen moduan, 150 ordukoak edo hortik gorakoak ere onartuko dira, eta noiz egin diren kontuan hartu gabe baloratuko dira.

3.3.– Iraupena kreditutan ematen bada, kreditu bakoitzak 10 orduko baliokidetzat izango du, beste zehaztasunik ematen ez bada behintzat. ECTS kreditu bakoitzak, aldiz, 25 orduko baliokidetzat izango du.

3.4.– Bulegotikako eta Interneteko programei buruzko ikastaroak ez dira baloratuko.

3.5.– Gai berari buruzko ikastaroak edo ikastaro beraren edizio ezberdinak behin bakarrik baloratuko dira; arlo horretan ordu-kopuru handiena duena aukeratuko da horretarako.

3.6.– Konpetentzia-unitateen egiaztapen partzialak eta profesionaltasun-ziurtagiriak ez dira prestakuntza-ikastaro gisa baloratuko.

Halere, profesionaltasun-ziurtagiria lortzeko prestakuntza-unitateak eta prestakuntza-moduluak baloratu ahal izango dira, betiere prestakuntza-ikastaro ziurtatuen bidez lortu badira, dagozkien orduekin.

3.7.– Doktoretzako ikastaroak eta unibertsitateko titulua eskuratzeko aukera ematen dutenak hobetzeko ikastaro moduan balora daitezke, aurreko atalen baten baloratu ez badira.

3.8.– Hizkuntza-ikastaroak ez dira baloratuko.

4.– Euskara jakitea.

Euskara jakitea merezimendu gisa baloratuko da derrigortasun-data igarota ez izateagatik betekizuntzat eskatzen ez den lanpostuetan.

Gehienez 22 puntu emango dira, puntuazio honen arabera:

3. hizkuntza-eskakizuna (C1) duten lanpostuetan:	<ul style="list-style-type: none"> • 1. hizkuntza-eskakizuna egiaztatzeagatik: 10 puntu. • 2. hizkuntza-eskakizuna egiaztatzeagatik: 15 puntu. • 3. edo 4. hizkuntza-eskakizuna egiaztatzeagatik: 22 puntu.
2. hizkuntza-eskakizuna (B2) duten lanpostuetan:	<ul style="list-style-type: none"> • 1. hizkuntza-eskakizuna egiaztatzeagatik: 10 puntu. • 2., 3. edo 4. hizkuntza-eskakizuna egiaztatzeagatik: 15 puntu.

4.1.– Euskara Tituluen eta Ziurtagirien Erregistro Bateratuari (ETZEB) kontsulta eginez egiaztatuko dira euskararen hizkuntza-eskakizunak. Egiaztatutzat joko dira deialdiaren argitaratze-eguneko egiaztatze-datarekin edo lehenagokoarekin erregistro horretan inskribatuta dauden hizkuntza-eskakizunak.

4.2.– Euskal Autonomia Erkidegoko Administrazio orokorreko eta haren organismo autonomoetako hizkuntza-eskakizunen baliokide diren ziurtagiri eta tituluak dekretu hauetan zehaztuta daude: 297/2010 Dekretua, azaroaren 9koa, Euskararen jakite-maila egiaztatzen duten tituluak eta ziurtagiriak baliokidetu eta Hizkuntzen Europako Erreferentzia Marko Bateratuko mailekin parekatzeko dena, eta 47/2012 Dekretua, apirilaren 3koa, Euskaraz egindako ikasketa ofizialak aintzat hartzeko eta euskara-maila hizkuntza-tituluen eta ziurtagirien bidez egiaztatzetik salbuesteko dena.

<p>5.– Gradu pertsonal finkatua.</p> <p>Parte hartzen den eskalan gradu pertsonal finkatua duenari gehienez 10 puntu emango zaizkio, banaketa honen arabera:</p>	
Eskatutako lanpostuaren destino-osagarriaren maila bereko edo handiagoko gradu pertsonala duenari	10 puntu
Eskatutako lanpostuaren destino-osagarriaren maila baino gradu pertsonal txikiagoa duenari	5 puntu
<p>6.– Antzinasuna.</p> <p>Gehienez 10 puntu lor daitezke.</p>	
Euskal Autonomia Erkidegoko Administrazio Orokorrak eta haren organismo autonomoek hirurtekoen ondorioetarako aitortutako antzinasunagatik	0,084 puntu hilabete bakoitzeko.
<p>7.– Hizkuntzak jakitea</p> <p>Hizkuntzak jakiteagatik gehienez 10 puntu emango dira, baremo honen arabera:</p>	
Ingeleseko, frantseseko edo alemaneko B2 mailaren titulu eta ziurtagiri baliokideak:	5 puntu
Ingeleseko, frantseseko edo alemaneko C1 eta C2 mailen titulu eta ziurtagiri baliokideak:	10 puntu
<p>Honako lege-xedapen hauetan maila eta hizkuntza bakoitzerako jasotako titulu eta ziurtagiriak bakarrik baloratuko dira: 2015eko ekainaren 30eko 117/2015 Dekretuaren eranskina (Euskal Autonomia Erkidegoko Administrazio Orokorreko eta haren organismo autonomoetako lanpostuen hautatze- eta hornitze-prozesuetarako tituluen eta hizkuntza-ziurtagirien baliokidetasunari buruzko Dekretua), eta 2017ko abenduaren 22ko 1041/2017 Errege Dekretua (Zenbait ikasketan araututako araubide bereziko hizkuntza-ikasketen eta errege-dekretu honetako arteko baliokidetzak oinarritzko izaeraz ezartzen dituen Errege Dekretua).</p>	